

# Picard

Lo **picard** es siá una lenga romanica que fa partida de las lengas d'oïl (noción correlativa de *las lengas d'òc*), siá, segon una altra concepcion, un dialècte de la lenga d'oïl. Una concepcion fòrça expandida es de considerar lo picard coma un dialècte del francés (en tant que lenga, non pas en tant qu'estandard).

## Somari

**Denominacions**

**Localizacion**

**Locutors**

**Normativizacion**

**Estatut legal**

**Formacion**

**Ligams extèrnes**


Audio

## Denominacions

La lenga a divèrsas denominacions en picard e en francés estandard coma *picart*, *patois du nord* (patés del nòrd), *chtimi*, *chti* o *rouchi*. Aquel es un dialècte picard, considerat sovent coma una lenga d'oïl diferenta, parlada en Enaut Occidental, entre Mons e la linha Tournai-Soignes-Ath-Mouscron.

## Localizacion

Se parla a las regions francesas de Picardia (levat del sud d'Oise e d'Aisne) e Nòrd-Pas de Calais (levat de la zòna de Dunquèrca, de lenga neerlandesa flamenca) e en Belgica dins la màger part de la província d'Enaut, entrò La Louvière a l'èst (entre Mons e Charleroi).



picard

## Locutors

Existisson pas d'estatisticas globalas ni fisablas. Ça que la, una enquèsta facha a Amians (1980-1981) mostrava que 46% dels òmes e 29% de las femnas nascudas en 1942 declaravan parlar picard.

## Normativizacion

I a pas cap de nòrma generalament acceptada. Pasmens, d'un ponch de vista ortografic, una part importanta dels autors son d'acòrdi amb una seria de principis que pòdon tendre a una cèrta normativizaciòn:

- Represa del còde ortografic francés, en respectant las particularitats foneticas del picard.
- Utilizaciòn rasonada de letras mudas o de variants graficas per permetre una corrècta identificaciòn dels mots. Aquel usatge pòt téner un maxim entre los escrivans tradicionals, pus pròches de l'ortografia francesa, e practicament desaparéisser entre los partidaris de metòdes fonetistas. En una situaciòn intermediària s'i trobariá l'adaptaciòn del sistèma Feller pel picard facha per Fernand Carton.
- Tendéncia a escafar las particularitats localas per permetre una màger comprensiòn pels locutors de las divèrsas variants. E mai, qualques autors utilizan d'archigrafèmas que permeton de lecturas multiplas.

## Estatut legal

---

Reconeguda coma lenga regionala endogèna en Belgica, segon un decret de l'executiu de la Comunautat francesa adoptat en 1990. Benefícia, sustot per la preséncia als mèdias de comunicaciòn, de las accions del Burèu de las Lengas Regionals Endogènas<sup>[1]</sup>.

Dins l'Estat francés, beneficia pas de cap de legislaciòn al nivèl general e la ratificaciòn de la Carta Europèa de las Lengas Regionals o Minoritàrias demòra blocada.

## Formacion

---

Dins l'Estat francés es reconegut pel Ministèri de l'Educacion Nacionala e s'ensenha als IUFMs de la region e se pòt estudiar de manèra facultativa.

## Ligams extèrnes

---

- **Wikipedia Picard** = [pcd.wikipedia.org](https://pcd.wikipedia.org) (<https://pcd.wikipedia.org/wiki/Accueil>)
- Ch'lanchron (<http://lanchron.dyadel.net/>)
- Ortografia del picard, en francés (<http://www.picard.free.fr/lgp/orthogra1.htm>)
- Chtimi=picard.com (<http://membres.lycos.fr/languepicarde/>)
- Diccionaris picards ([http://www.lexilogos.com/picard\\_langue\\_dictionnaires.htm](http://www.lexilogos.com/picard_langue_dictionnaires.htm))

## Audio

---

<http://ches.diseux.free.fr/sons/d85.mp3>

<http://ches.diseux.free.fr/diri/dir85.htm>

*Centre de Ressources pour la Description de l'Oral* (CRDO) ( <http://www.language-archives.org/language/pcd> )

1. <http://www.langueregionales.cfwb.be/index.php?id=1220#c2159>

**Aquesta pagina es estada modificada pel darrièr còp lo 23 julhet de 2019 a 09.13.**

Drech d'autor : Los tèxtes son disponibles jos licéncia Creative Commons paternitat pertatge a l'identitic ; d'autras condicions se pòdon aplicar. Vejatz las condicions d'utilizacion per mai de detalhs, e mai los credits grafics.  
Wikipedia® es una marca depausada de la Wikimedia Foundation, Inc., organizacion de benfasença regida pel paragraf 501(c)(3) del còde fiscal dels Estats Units.